

## Awdurdod Tân ac Achub Gogledd Cymru Panel Gweithredol

Cofnodion cyfarfod Panel Gweithredol Awdurdod Tân ac Achub Gogledd Cymru a gynhaliwyd drwy Zoom ddydd Gwener 29 Gorffennaf 2022. Dechreuodd y cyfarfod am 2pm.

### Yn bresennol

Cynghorwyr:

D Rees (Cadeirydd)  
P Cunningham (Dirprwy  
Gadeirydd)  
K Taylor  
C Beard  
C Gee  
R Triggs  
P Rogers

Cyngor Sir Ynys Môn  
Cyngor Sir y Fflint  
  
Cyngor Sir Ynys Môn  
Cyngor Bwrdeistref Sirol Conwy  
Cyngor Sir y Fflint  
Cyngor Gwynedd  
Cyngor Bwrdeistref Sirol Wrecsam

### Hefyd yn bresennol

D Docx (Prif Swyddog Tân a Phrif Weithredwr); G Owens ( Clerc);  
D Edwards (Trysorydd); S Forshaw (Dirprwy Brif Swyddog Tân); R Fairhead, ~  
H MacArthur ac S Millington (Prif Swyddogion Tân Cynorthwyol); S Morris (Prif  
Swyddog Cynorthwyol); T Williams (Rheolwr Cyfathrebu Corfforaethol); A  
Davies (Swyddog Cyswllt Aelodau).

### 1 YMDDIHEURIADAU

A Hughes	Cyngor Sir Ddinbych
G A Roberts	Cyngor Gwynedd
R Roberts	Cyngor Bwrdeistref Sirol Wrecsam
D Selvester+	Cyngor Sir y Fflint

### 2 DATGAN BUDDIANNAU

2.1 Ni ddatganwyd unrhyw fuddiannau.

### 3 RHYBUDD O FATERION BRYD

3.1 Dim.

### 4 COFNODION Y CYFARFOD A GYNHALIWYD AR 14 CHWEFROR 2022

4.1 Cafodd cofnodion cyfarfod y Panel Gweithredol a gynhaliwyd ar 14 Chwefror 2022 eu cyflwyno i'w cymeradwyo.

4.2 **PENDERFYNWYD cymeradwyo cofnodion y cyfarfod yn gofnod gwir a chywir.**

## 5 MATERION YN CODI

5.1 Nid oedd unrhyw faterion yn codi.

5.2 **PENDERFYNWYD nodi'r wybodaeth.**

## 6 EHANGU RÔL DIFFODDWYR TÂN YNG NGHYMRU – CAPASITI'R GWASANAETHAU TÂN AC ACHUB – ADOLYGIAD THEMATIG

6.1 Fe wnaeth y Prif Swyddog Tân gyflwyno'r adroddiad a oedd yn rhoi golwg gyffredinol ar yr Adolygiad Thematig o gapasiti'r Gwasanaethau Tân ac Achub i ymgymryd â rôl ehangach i ddiffoddwyr tân yng Nghymru. Cafodd yr adroddiad ei lunio gan Brif Ymgynghorydd Tân ac Achub Llywodraeth Cymru, Dan Stephens, a'i gyhoeddi ar 5 Rhagfyr 2021.

6.2 Cafodd yr Aelodau wybod fod y Dirprwy Weinidog Partneriaeth Gymdeithasol, a'r Gweinidog Iechyd a Gwasanaethau Cymdeithasol ar y pryd, wedi rhoi gwybod i'r Senedd ym mis Mawrth 2021 am gynlluniau i ddatblygu rôl ehangach i ddiffoddwyr tân yng Nghymru, a hynny i gefnogi'r GIG yng Nghymru. Yna, roedd y Prif Ymgynghorydd Tân ac Achub ac Arolygydd Cymru wedi cynnal adolygiad thematig i roi sicrwydd bod y tri GTA yng Nghymru yn meddu ar y capasiti i wneud unrhyw waith ychwanegol yn deillio o ehangu rôl diffoddwyr tân heb amharu ar wasanaethau craidd. Cafodd canlyniad yr adolygiad ei gyhoeddi ym mis Rhagfyr 2021.

6.3 Yn ystod y chwe mis dilynol, cafwyd deialog barhaus rhwng y Prif Swyddogion Tân yng Nghymru a Swyddogion Llywodraeth Cymru. Ar 8 Gorffennaf 2022, ysgrifennodd y Dirprwy Weinidog ar Gadeiryddion yr Awdurdodau Tân ac Achub yng Nghymru i ofyn am gadarnhad ysgrifenedig erbyn 31 Awst 2022 ynghylch a oeddent yn derbyn canfyddiadau'r adolygiad a sut maent yn bwriadu symud ymlaen â'r argymhellion. Roedd yr argymhellion hyn yn ymwneud ag adolygu systemau shifftiau presennol, dadansoddi trefn gwaith ar orsafoedd, a hefyd ystyried cynyddu'r capasiti yn y system anfon allan.

6.4 Rhoddodd y Cadeirydd wybod i'r Aelodau fod yr un adroddiad wedi cael ei gyflwyno i'r Pwyllgor Archwilio ar fore'r 29 o Orffennaf, a'r consensws oedd cefnogi'r cysyniad o ehangu'r rôl ar yr amod na fyddai hynny'n effeithio ar y gwasanaethau craidd sy'n cael eu darparu gan ddiffoddwyr tân. **O ran adolygu patrymau shifftiau, nododd yr Aelodau y bydd y cynnig hwn yn cael ei gynnal fel rhan o'r Adolygiad o Ofal Tân sydd ar y gweill.**

6.5 Dywedodd y Trysorydd fod yr Awdurdod yn wynebu cyfnod o drawsnewid, a gan ystyried bod chwyddiant ar ei lefel uchaf ers sawl blwyddyn bydd angen i'r Awdurdod ystyried effaith yr holl elfennau hyn ar gyllideb yr Awdurdod a bydd angen blaenoriaethu'n ofalus er mwyn sicrhau bod unrhyw newidiadau'n parhau'n fforddiadwy a theg.

## 6.6 PENDERFYNWYD nodi:

- (i) **bod “Ehangu rôl diffoddwyr tân yng Nghymru, Adolygiad Thematig 2021 gan Brif Ymgynghorydd Tân ac Achub ac Arolygydd Cymru” wedi cael ei gyhoeddi**
  
- (ii) **yr ohebiaeth wedi hynny gan y Dirprwy Weinidog at Gadeirydd Awdurdod Tân ac Achub Gogledd Cymru, ac awdurdodi y dylai ymateb gael ei ysgrifennu gan y Cadeirydd, ar y cyd â'r Prif Swyddog Tân, a'i anfon at y Dirprwy Weinidog erbyn 31 Awst 2022.**

## 7 MONITRO PERFFORMIAD EBRILL 2021 – MAWRTH 2022

7.1 Cyflwynodd y Dirprwy Brif Swyddog Tân yr adroddiad a oedd yn rhoi gwybodaeth am weithgarwch digwyddiadau yn ystod blwyddyn ariannol 2021/22; perfformiad o ran amcanion gwella a llesiant yr Awdurdod; a gweithgarwch nodedig eraill o ran digwyddiadau.

7.2 Nodwyd bod y Gwasanaeth wedi mynd at y canlynol yn ystod blwyddyn ariannol 2021/22:

- 5,354 o ddigwyddiadau brys. Mae'r rhain wedi cynyddu 13.9% o gymharu â'r un cyfnod yn 2020/21. Mae'r cynnydd wedi digwydd yn rhannol oherwydd 56% o gynnydd yn nifer yr adegau yr aethpwyd at argyfyngau gwasanaethau arbennig nad oeddent yn danau (958).
- 399 o danau damweiniol mewn cartrefi lle cafodd 34 o bobl fân anafiadau, cafodd pump o bobl anafiadau difrifol, a chollodd pump o bobl eu bywydau;
- 207 o wrthdrawiadau traffig ar y ffyrdd, yn 71 o'r rheini roedd angen criwiau i ryddhau neu dorri pobl allan o gerbydau;
- 2,517 o alwadau diangen, a oedd yn cynnwys 15.2% o gynnydd yn nifer yr adegau yr aethpwyd at alwadau diangen o ganlyniad i systemau larwm tân awtomatig.

7.3 Yn ystod y cyfnod hwn, roedd y Gwasanaeth hefyd wedi cynnal 14,062 o Archwiliadau Diogel ac Iach, sef 2,721 yn fwy nag yn y flwyddyn ariannol flaenorol (11,341).

7.4 Dywedodd y Cadeirydd mai da oedd nodi bod nifer y tanau yng Ngharchar Berwyn wedi gostwng o 47 i 22, ac ystyrid bod hyn wedi digwydd yn rhannol yn sgîl y gwaith partneriaethol rhwng y Gwasanaeth a'r carchar.

- 7.5 Gofynnodd yr Aelodau i adroddiadau yn y dyfodol gynnwys gwybodaeth am ddigwyddiadau'n ymwneud â'r amgylchedd, megis tanau awyr agored a llifogydd a digwyddiadau dŵr; byddai hyn yn gysylltiedig hefyd â gwaith yr Awdurdod ym maes cynaliadwyedd.
- 7.6 **PENDERFYNWYD nodi cynnwys yr adroddiad monitro perfformiad.**